

Kab mob siab A

Kab mob siab A yog dab tsi?

Kab mob siab A yog ib yam kab mob rau ntawm thooj siab uas txawm los ntawm tus kab mob siab virus A.

Cov yeeb yam mob ntawm tus kab mob siab A yog zoo li cas?

Qee cov neeg yuav muaj cov yeeb yam mob loj thiab lwm cov neeg yeej tsis muaj cov yeeb yam mob li. Feem ntau mas yeej tsis pom cov yeeb yam mob rau cov menyuam yaus.

Yog pom tshwm sim cov yeeb yam mob, yuav mob tshwm sim kiag tam sim thiab ua rau ua npaws, nkees sab, tsis qab los noj mov, thiab xeev siab. Lwm cov yeeb yam mob uas yuav tshwm sim li ob peb hnuv tom qab ntawd muaj xws li tso zis kua dub (ua kua daj lis los sis kua tsos xim cola), haw quav ua kua, thiab tawv nqaij los sis qhov muag daj (kab mob tawv nqaij daj). Tus kab mob tawv nqaij daj nquag tshwm sim mob rau cov neeg laus ntau dua rau cov menyuam yaus. Cov yeeb yam mob no mob mus ntev ntau as thiv.

Tus kab mob siab A yuav tsis dhau mus ua ib tug kab mob tsis paub zoo tu qab (mob mus ntev).

Kev kis mob los ntawd tus kab mob siab A yog zoo li cas?

Qee zaus tus kab mob siab A ua rau mob loj, mob nthawv nthav kiag tam sim, thiab kis mob rau thooj siab (tus kab mob siab kiag tam sim). Cov neeg uas muaj lwm hom kab mob siab yog cov uas muaj feem kis tau tus kab mob no ntau tshaj plaws.

Puas muaj kev kho tau tus kab mob siab A?

Tseem tsis tau muaj cov tshuaj tshwj xeeb los kho tau tus kab mob siab A.

Tus kab mob siab A raug tshuaj xyuas tau los li cas?

Kuaj ntshav xyuas thiaj li paub tias ib tug neeg twg puas kis tau tus kab mob siab A.

Tus kab mob siab A sib kis rau lwm tus neeg li cas?

Kab mob siab A sib kis los ntawm tus kab mob virus uas pom muaj nyob hauv cov quav ntawm ib tug neeg muaj tus kab mob siab A.

Ib tug neeg twg kis tau tus kab mob siab virus A thaum tus kab mob nkag los raws nws lub qhov ncauj. Feem ntau kis tau tus kab mob no yog:

- Noj zaub mov los sis haus dej qab zib uas tsuas tus kab mob.
- Kev siv koob txhaj tshuaj thiab tsis siv koob txhaj tshuaj.
- Qhov ncauj raug tej yam khoom tsuas kab mob.
- Thaum lub sijhawm sib deev.

Cov menyuam yaus kis tus kab mob virus mus rau cov neeg hauv tsev neeg los sis tus neeg zov yam tsis pom tshwm sim cov yeeb yam mob li.

Ib tug neeg uas muaj tus kab mob siab A kis tus kab mob tau rau thaum xub pib ob lub as thiv ua ntej yuav pom tshwm sim cov yeeb yam mob mus txog rau ib lub as thiv tom qab pom tus kab mob tawv nqaij daj tshwm sim. Yog ib tug neeg tsis muaj tus kab mob tawv nqaij daj, nws kis tus kab mob ntev li ob lub as thiv tom qab ntawd mam li pom tshwm sim cov yeeb yam mob.

Yuav tshwm sim cov yeeb yam mob li ob txog xya lub as thiv (ib txwm li thaj tsam ib lub hlis) tom qab tau tus kab mob siab A.

Leej twg yuav tau tus kab mob siab A?

Txhua tus neeg thiab txhua lub hnuv nyoog kis_tau tus kab mob siab A. Ntau leej neeg yeej tsis paub tias lawv tau tus kab mob no.

Cov neeg uas muaj feem kis tus kab mob siab A ntau tshaj plaws yog:

- Cov neeg uas siv koob txhaj tshuaj thiab tsis siv koob txhaj tshuaj.
- Cov neeg uas tsis muaj tsev nyob.
- Cov neeg uas tam sim no kis tus kab mob los sis tsis ntev los no twb kis tus kab mob lawm.
- Cov txiv neej sib deev txiv neej (MSM).
- Tsev neeg tau chwv nrog cov neeg muaj kab mob.
- Tau sib deev nrog cov neeg muaj kab mob.
- Cov neeg ncig xyuas teb chaws mus rau cov teb chaws uas nquag muaj tus kab mob siab A.

Puas muaj tshuaj txhaj tiv thaiv tau tus kab mob siab A?

Muaj, yuav tsum tau txhaj tshuaj tiv thaiv kab mob siab A rau txhua tus menyuam uas muaj hnuv nyoog li 12 lub hlis. Ib tug neeg uas muaj hnuv nyoog li 12 lub hlis thiab cov neeg uas muaj hnuv nyoog siab dua uas tsis tau txhaj tshuaj tiv thaiv kab mob thiab xav kom muaj kev tiv thaiv tus kab mob siab A tuaj yeem tau txais kev txhaj tshuaj tiv thaiv kab mob. Koj tus kws saib xyuas mob nkeeg yuav hais kom koj txhaj tshuaj tiv thaiv kab mob yog koj muaj pheed hmoo yuav kis tau tus kab mob siab A.

Muaj kev txhaj tshuaj pub dawb los sis luv_tus nqi pheed yig rau cov menyuam yaus thiab cov neeg laus uas tsis muaj is saws las los sis cov neeg uas is saws las tsis pov thaiv rau cov nqi tshuaj tiv thaiv kab mob. Tau txais cov ntau ntawv ntsig txog qhov kev Txhaj Tshuaj Tiv Thaiv Kab Mob rau Cov Menyuam Yaus Haus Minnesota (Minnesota Vaccines for Children, MnVFC) thiab Tus Neeg Laus Uas Muaj Is Saws Las los sis Tsis Muaj Is Saws Las (UUAV) rau ntawm [lub chaw uas Tau Txhaj Tshuaj Tiv Thaiv Kab Mob \(www.health.state.mn.us/peopleservices/immunize/basics/vaxfinder.html\)](http://www.health.state.mn.us/peopleservices/immunize/basics/vaxfinder.html).

Yuav tiv thaiv kom tus kab mob siab A txhob kis mus rau lwm tus neeg tau li cas?

Kev txhaj tshuaj tiv thaiv kab mob yog ib qho tiv thaiv tus kab mob siab A tau zoo tshaj plaws.

Ntxuav koj ob sab tes tom qab siv chav plob, tom qab hloov daim pawm, thiab ua ntej yuav npaj ua zaub mov noj los sis yuav noj mov thiaj li yuav pab tiv thaiv kev sib kis tus kab mob siab A tau.

Yog kuv tau tus kab mob siab A kuv yuav tsum ua li cas?

Tham nrog koj tus kws saib xyuas mob nkeeg txog qhov mus kuaj yog koj xav tias koj tau tus kab mob siab A lawm.

Yuav kom cov neeg muaj hnuv nyoog 12 lub hlis thiab rov yav sauv noj qab nyob zoo, yuav tsum tau txhaj tshuaj tiv thaiv kab mob siab A rau lawv thiaj li yuav pab nres tau cov yeeb yam mob hauv cov neeg uas raug tus kab mob lub sijhawm ob lub as thiv dhau los tau.

Nce raws li lawv tus kws saib xyuas mob nkeeg qhov tshuaj ntsuam xyuas txog feem muaj pheed tau tus kab mob, cov neeg uas muaj hnuv nyoog tshaj 40 xyoo kuj yuav txhaj cov tshuaj uas hu ua immune globulin (IG) ntxiv rau tshuaj txhaj tiv thaiv kab mob siab A.

Rau cov menyuam yaus hnuv nyoog qis dua 12 lub hlis tej zaum yuav txhaj cov tshuaj immune globulin (IG) rau lawv rau thaum cov neeg uas tau tus kab mob hauv ob lub as thiv dhau los.

Hepatitis Unit
PO Box 64975
St. Paul, MN 55164-0975
651-201-5414 los sis 877-676-5414
www.health.state.mn.us/hepatitis

6/26/2019 - Hepatitis A (Hmong)

Kom tau cov ncauj lus no ua lwm hom, hu: 651-201-5414.